



## UTumi nezifiso ezintathu

Ibhalwe nguMabel Mnensa | Imifanekiso nguJulie Smith-Belton

UBaba uvalelisa kuTumi. “Uziphathe kahle namhlanje. Ungangeni egumbini lami. Ungakhulumi noPholi onguPhathu.”

“Sawubona,” kusho uTumi. UPhathu, uPholi, uyazithulela nje.

Ngabe yini le esekhejini likaPhathu? Yimpempe egcwele uthuli!

UTumi uyayesula ize ihlanzeke bese eyifutha.

“Sawubona, wena wangasenhla,” kusho uPholi onguPhathu, “Ngizokwenzela noma yikuphi okufisayo okuthathu.”



“Ngifisa ...  
sengathi ngabe ngingawo wonke ...  
amaswidi akhona emhlabeni.”

**PHUFU!**

UTumi ulunywa yisisu. Usedle amaswidi amaningi kakhulu.

“Tumi! Angikwazi ukungena, umnyango awuvuleki.”  
Usebuyile phela uBaba. “Ngabe uke wakhuluma noPholi onguPhathu, Tumi?”

UTumi useyesaba.



“Ngifisa ...  
sengathi wonke la  
maswidi anganyamalala.”

**PHUFU!**

UBaba akajabulile neze. “Awulaleli. Ugange njengaye.  
Kuhlale kugwele ubuqili nje kulo pholi.”



Esalele embhedeni wakhe ngalobo busuku, uTumi  
uyacabanga, “Isifiso sami sesithathu kumele sibe sihle.”

“Ngifisa ...

# PHUFU!



“Tumi!” UBaba ulunguza ngefasitela. Into kuphela  
ayibonayo wulwandle. “Wenzi-ke manje?”

UPholi onguPhathu uyahleka. “UTumi ubefisa sengathi  
ungaba nezigidi zamaRandi ukuze ube nendlu enkulu  
bese yena ebe negumbi lakhe lokulala.”

Inkinga nje ukuthi akashongo ukuthi ibe kuphi nendawo!

# UTumi nezifiso ezintathu

Ibhalwe nguMabel Mnensa • Imifanekiso nguJulie Smith-Belton

## Imibono okungaxoxwa ngayo

Yiziphi izifiso ezintathu obungazenza?

Yisiphi isifundo ocabanga ukuthi uTumi usifundile ngemva kokwenza isifiso sesithathu? Ziyini izifiso? Sizenza kanjani izifiso? Ubani osinika lokho esikufisayo?



## Ezibonakalayo

Dweba isithombe sezifiso ezintathu ongazicela kuPhathu.



## Ukufunda

Bhekisisa amagama kanye nesithombe ekhasini lokugcina.

- ★ Sasiyini isifiso sikaTumi?
- ★ Sebenzisa isithombe ukuze ubonise imininingwane yalokho uPhathu akhetha ukukunika uTumi.
- ★ Ucabanga ukuthi uTumi wazizwa kanjani lapho ebheka efasiteleni?
- ★ Ucabanga ukuthi yini ayenza ngemva kwalokho?




## Ukubhala

Dweba isithombe sikaTumi noPhathu kanye negwebu lo muntu ngamunye lalokho abakucabangayo. Egwebini likaTumi bhala isifiso sakhe sesithathu, uqale ngaleli gama: Ngifisa ... Egwebini likaPhathu, bhala lokho akunike uTumi, uqale ngalawa magama: Ngicabanga ukuthi ngizonika uTumi ...



## Umsebenzi wezandla

Sebenzisa ikhathoni lethishu noma lethawula lephepha kanye nopende, amakhukhi, i-glue, izimpaphe, ithishu enombala noma iphepha le-crêpe ukuze wenze upholi wakho wemilingo. Qamba upholi wakho igama.



## Ukusebenza

Phinde uxoxe indaba njengomdlali oyinhloko. Yisho izifiso zakho ezintathu esikhundleni kwezikaTumi.

